

АКАФИСТ ПРЕЧИСТЕЙ МАТЕРИ МИЛОСЕРДИЯ

Кондак 1

Избранная промыслием Божиим на великое служение страждущему человечеству, преславно подвиг милосердия, в узах жития земнаго смиренно несла еси, Мати Милосердия. Ты бо Сама вемы бури и скитания на мори житейском смиренно претерпела еси, темже искушенно повсячески можеша, Дево Пречистая и искушаемым помощи. Мы же земнороднии, волнами грозных страданий обуреваемии, молим Тя, всех скорбящих радости: помози нам недостойным любовью Твоею, отри слезы страдальцев, отри слезы мятущихся, низпошли ласку Твою ожесточенным, дабы вселенная вся прехвально воззвала дивному величию Твоему: Радуйся, Мати Милосердия, страждущих от скорбей избавляющая.

Икос 1

Любовию к страждущим исполненная ради спасения рода человеческого, на Свои Святейшие рамена восприяла еси подвиг Богоматеринства, родившая бо миру Богочеловека, сделавшаяся Материю вселенной, мы же светозарными лучами Твоего Материнства озарены среди безчисленных скорбей юдоли житейския со умилением взываем Ти, Дево Благодатная: Радуйся, скорбящих утешение; Радуйся, со Христом примирение. Радуйся, добродетелей христианских охранение. Радуйся, Мати милосердия, страждущих от скорбей избавляющая.

Кондак 2

Дальние и тяжкие путешествия от Назарета до града Вифлеема с Богомладенцем во чреве девическом совершила еси, Мати Милосердия, тем бо миру явила еси, яко Ты истинная крестоносица от дней юности промыслием Божиим наречена еси, яко грады, села и долины земные стопами освятила еси, и мы, духом созерцая Твою тяжкую, но сладостную ношу, в ней образ истинного крестоношения, и мы с восхищением взывая о Тебе Богу: Аллилуиа.

Икос 2

Вемы, яко скорби во граде Вифлееме претерпела еси Ты, о Мати Милосердия, злые бо сердца гордцев земных не восхотеша сокрыти и прияла в недра свои Грядущаго в мир Искупителя. Время многое по граду студенною нощию путешествовала еси Пречистая, яко странница бездольная, ища пристанища, ночлега и покоя. О, житейский мир человеческий, он гнал Тебя и Сына Твоего! и доньне Тебе и Сыну Твоему нет пристанища в злых сердцах человеческих. О, Мати Милосердия! Скорби и раны жизни испытующая, взгляни, колико есть и ныне обездоленных, скитающихся, страдающих и болезнующих, молитвами

Твоими поддержи и сохрани. Мы небеснаго пристанища, по ходатайству Твоему, просим поюще взываем Ти: Радуйся, душу человеческую взывающую спасавши; Радуйся, молитвами Твоими род христианский охраняющая. Радуйся, от всякаго зла мирскаго спасающая. Радуйся, Мати Милосердия, страждущих от скорбей избавляющая.

Кондак 3

Вида Твое к страждущим милосердие, не токмо христиане, но и язычники устремляются к лику Твоему, о Мати Милосердия, ища в ней заступления, ограждения и помощи. Ты бо яко кроткая, луны свет благостный, любви Твоея в мире сем предивно разливавшая, озари души всех вопиющих о Тебе Спасителю: Аллилуиа.

Икос 3

Тебя, Небесную Деву, прияша недра земная, пещера-убежище безчеловечных, мрачные стены земли первыми сподобились видети Мессию, священною древностию пророчествованнаго. Великий Учитель вселенныя возлег на глубоком ложе житейскаго человечества, сим образом даруяй нам наставления, яко и Матерь Божия и Сын Ея Божественный уготованы быша ко приятию чаши безсмертнаго страдания, яко пещера земная, и мы приемлем Тя, Мати Милосердия, недрами наших любящих сердец. Озари темные своды душ наших, блесни нам молниєю Твоей небесной чистоты, утеши нас словом Твоей любви и на пути испытания поддержи нас, умиленно Тебе взывающих: Радуйся, Ангельскаго мира превосходящая; Радуйся, немощь падших щадящая. Радуйся, человечество к небесам возводящая. Радуйся, Мати Милосердия, страждущих от скорбей избавляющая.

Кондак 4

Реку слез источает из недр род человеческий, стоны страдальцев заглушают шум бушующаго океана, в горести рождается в мир грешный человек, в скорби уходит он в мрачное жилище могилы. О, Мати Милосердия, Ты помоги! На берегу житейскаго моря спасай немощныя члены утопающих. Ты якорь спасения, извлекай из бездны зла заблуждающих. Ты якорь спасения и свет во тьме мира, просвещай ослепленных гордынею житейскою, мы же убози рабы Сына Твоего, непрестанно будем восхвалять сладкогласным пением: Аллилуиа.

Икос 4

О, великая Мати, в темную ночь Ты взяла еси возлюбленнаго Сына Твоего Богомладенца и бежала еси в далекую чуждую страну Египетскую, спасающая Его и Себя от козней убийцы Ирода. Се образ есть человек на земле. Сей по образу Апостолу странник и пришлец есть на пречистых руках Твоих. О, Божественная Мати, Ты возмогла еси спасти Сына Твоего от лютыя смерти. О, Любвеобильная Мати Дево, к роду человеческому Божественною милостию спасай

и ныне во всей вселенной беспомощные души людские, во мраке греховном погибающие. Страждущие бо сердца, яко реки многоводные, текут к сердцу Твоему материнскому, к сему дивному источнику любви и милосердия, с ними восхваляем сице: Радуйся, главизно человеческого спасения; Радуйся, Служительнице земли, ю с небом возсоединившая. Радуйся, Светильнице вечного озарения. Радуйся, Мати Милосердия, страждущих от скорбей избавляющая.

Кондак 5

Нет больше сия любви, да кто душу свою положит за други своя, сей дивный глас Сына Твоего, Бога нашего, Ты, о Пречистая, преславно в житии Своем воплотила еси, неся страждущую чашу милосердия и наши души страждущие напой сей чашей, ибо и мы до ныне страждем и скитаемся, болезнуем и терзаемся сердцем и слезами горести исполнены очи наши. Приими от нас, о Мати Милосердия, сии тяжкие воздыхания и утеши в скорбех рабов Твоих, к Богу воспевающих хвалу дивну: Аллилуиа.

Икос 5

О, как жестоко страдало сердце Твое, Мати Милосердия, егда искаша Сына Твоего Отрока Иисуса среди многих посланников Иерусалимских, терзающаяся скорбями и мыслями о Нем. О, сколь велика бысть и радость Твоя, Благословенная, егда обрела Его в храме Господнем о вечной мудрости, мудрецам мира сего возвещающего. Ты, Богоматерь, и ныне идиши души, от благочестия заблуждших в омуте страстей изнывающих изъяти. Ты нам десницею безсмертного милосердия Твоего приводиши в дом утешения страждущих, плачущих, скорбных и безтешных, колико радуется сердце Твое, о Мати Милосердия, егда обретаеши душу человеческую в храме истины Божественная, яко Марию Богомудрую у ног Иисуса слушавшую слово вечности, и наши грешные души приими о Богоневестная Мати, и наши заблуждшие сердца просвети и нас утеши, зовущих Ти сице: Радуйся, заблуждающим просвещение; Радуйся, тьмы греховныя искоренение. Радуйся, путей человеческих исправление; Радуйся, в истине Христовой наставление. Радуйся, Мати Милосердия, страждущих от скорбей избавляющая.

Кондак 6

Во дни преславного жития Твоего на земли сей, о Всечестная Дево Богородице, Ты всем приходящим к Тебе в скорби сущим, елей милосердия изливая на раны душ их. Из уст мрачных скорбей и напастей и мы, о Мати Милосердия, ныне усердне прибегаем к Твоему всемогущему покрову и слезно молим Тя: и нас покрый любовью Твоею, и нас исторгни из глубины отчаяния, и на пути истины поддержи нас, плачущих и болезнующих, Богу смиренно поющих песнь дивную: Аллилуиа.

Икос 6

О, Мати Милосердия, на преславном пути Богочеловека, Сына Твоего, созерцающая сии дивные видения, егда Господь Иисус жену кровоточивую исцели, егда Сирофиникисе дарова радость исцеления ея дочери беснующейся, егда очи слепорожденным открыв, егда силу Свою целебную ниспослал всем страждущим, духовными и телесными недуги. Ты, о Мати Милосердия, и ныне выну тамо идеже десница Божия страждущих исцеляет, немощных от зла сохраняет, идеже Христос Исцелитель дает хлеб жизни вечной, идеже самарянин милосердный вино и елей вечной любви на раны страдальцев таинственно изливает. За сию любовь Твою к страждущим мы всеумиленно восклицаем Ти: Радуйся, Предстательнице роду человеческому всежеланная; Радуйся, Богоборнице за христиан Богом данная. Радуйся, златом вечности окованная; Радуйся, благодатная, фимиам облагоуханный. Радуйся, Мати Милосердия, страждущих от скорбей избавляющая.

Кондак 7

О, Дево Всепетая, сколь сладок взор Твоего Материнства, обращенный на страждущих детей Твоих, сколь любезен глас Твоего милосердия к страдальцам юдоли сия, сколь нежна десница Твоя, Тобою любовно возлагаемая на раны страданий человеческих. О, Мати Милосердия, и нам милостиво прости Твой сладкий взор, и нам возвести о милости снисхождения всерадостным гласом Твоим, и нам глубокие раны умягчи елеом безмерного милосердия Твоего. Мы же, обрадованные Твоею к нам материнскою любовию, с ликованием возглашаем о тебе Богу: Аллилуиа.

Икос 7

Замерло сердце Твое, о Мати Милосердия, егда слуги фарисейские в скорбную ночь в Гефсимании повлекоша Сына Твоего в нечестивое судилище, и ныне Ты, Великая Богородительнице, терзаешься сердцем, егда злоба и нечестие мира сего влекут души христианские в сторону зла и неправды, егда сердца оскверняются мирским нечестием, егда коварства людские губят души младенцев в вере. Избави, о Мати Милосердия, нас верных раб Твоих и чад от сия напасти, дабы нам, Светильнику милосердия Твоего, взывать непрестанно: Радуйся, стена любви неборимая; Радуйся, Купино благодати неопалимая. Радуйся, Дево, небом и землей чтимая. Радуйся, чистым сердцем любимая. Радуйся, Мати Милосердия, страждущих от скорбей избавляющая.

Кондак 8

О, Ты! Стоящая на высоте дивной славы и небесного величия, Мати Милосердия. Ты можешь нам помочь, многие бо искушения в жизни Своей горестней, Пречистая, смиренномудренно притекла еси. Тебе с высоты Твоя, о Преблагословенная, видны все суть наши страдания и

нужды безчисленные. Умоли Сына Твоего, Бога нашего, всея твари Создателя, да и нам под кров Твой всемогущий низпошлет мир, покой и благодать всем сердцем вопиющим Ему хвалу вечную: Аллилуиа.

Икос 8

Камо грядеши, Мати Милосердия, в знойный день по раскаленным плитам святого града Иерусалима! Скорбная, вся в слезах и горести шла еси Дево Пречистая за Сыном Твоим возлюбленным, созерцала мировую скорбь Голгофского крестоношения, море страдальческих слез источало Твое материнское сердце, оружие мировой печали пронзило его. И ныне, камо грядеши Ты, о Премилостивая, и ныне зной греха давит крестоносцев, и ныне кровоточат сердца верующих, и ныне Ты, Пречистая, грядет и за всякой душой скорбящей и унывающей, со слезами на очах Твоих материнских и тамо, где же крестоношение человеческое, Ты могучею десницею подаеши сердцам помощь и утешения, сия Святая, милосердие Твое подвизает нас на похвалу сию сладкогласную: Радуйся, дивными чудесы сияющая; Радуйся, от бед и напастей избавляющая. Радуйся, от скорбей великих разрушающая. Радуйся, Мати Милосердия, страждущих от скорбей избавляющая.

Кондак 9

Благодатного покровя Твоего чают благоговейные клирики, ибо, Ты, о Мати милосердия, Мати еси Архиеерея Великого, небеса прошедшаго, и Ты Пречистая и Пренепорочная от юности соблюла еси обеты целомудрия, послушания и нестяжательства. Мати Бога нашего, в Кане Галилейской с любовью посетила брачное таинство. Ты Сама Сына Твоего Божественнаго предивно родила еси и вси страждущие в мире сем смиренно ищут блистания омофора Твоего и, обретая в нем источник утешения, Господу благодарно взывают: Аллилуиа.

Икос 9

Безмерная бысть скорбь Мати Милосердия, у Креста Сына Ея возлюбленнаго: кровь, язвы, стоны Богочеловека, и ныне с печалию в очах стоит Матерь всея вселенная над миром людским. Вихрем мчится горе человеческое, стоны и воздыхания страждущих ветром несутся. Бушует море слезное; жутко ревет над миром скорбная Голгофа человеческого жития, но сколь велика молитва Твоя, премилосердная Мати! Матерними скорбями за чад страдающих изнываеши Ты, любящая род человеческий. О, слаженная душа, к материнскому покрову Богоматери прибегающая. О благословенно сердце человеческое, материнскою ласкою Приснодевы согретое, среди скорбей они наполняются вечной радостью, и уста их изрекают величия хвалы ея: Радуйся, пред Христом наше дерзновение; Радуйся, от ада в Боге спасение. Радуйся, от болезней любых освобождение; Радуйся, Ангелов приемлющая поклонение. Радуйся, Мати Милосердия, страждущих от скорбей избавляющая.

Кондак 10

О, Мати Милосердия, кто не восхвалит Твое заступление, кто не воспевает Твоему величию дивному: Отцам и матерям о чадах помощи просящих помогавши, честных вдовиц в скорбех утешаеши, сирот материнским заступлением ограждаеши, бедным десницу милости простиравши, обидимых заступаеши, в сердцах всех страждущих дивный покой водворяеши. За сии добродетели Твоего Отца небесного прославляюще с умилением зовем Ему: Аллилуиа.

Икос 10

Тихо умирая на кресте божественный Страдалец, Его святые уста изрекаху, глаголя всепрощение, совершивший голгофский подвиг искупления, Примиритель народов! Яко солнце заходящее, покидая мир скорбей и страданий... А Ты, Милостивая Мати, руками материнской любви обняла еси Крест Его окровавленный и сердцем Твоим Ему распиналася, колико страдало оно! Святое, чистое, любвеобильное... Слезами Твоими горестными Ты обильно омочила еси землю Голгофы. И ныне, о Мати Милосердия, еже в горести страждет душа людская в муках, в болезнях и мучится тело человеческое, материнскими дланями милосердия Ты, сладчайшая Утешительнице, и до ныне прикасаешься к ранам лютейших страданий человеческих. Сего ради благодарение и восхваление Тебе непрестанно возносим, О Всепетая: Радуйся, верным покров сияющий; Радуйся, ковчег святыни благоухающий. Радуйся, пламень вселенную озаряющий; Радуйся, чертог, славою Божественною блистающий. Радуйся, Мати Милосердия, страждущих от скорбей избавляющая.

Кондак 11

О, Сокровищница Милосердия, всех страждущих заступление и крепким упованием на помощь Твою к сердцу Твоему материнскому влекутся тяжкие грешники, прощение и милости у Господа просящие, радость и искупление Тобою от Господа получают. И наши прошения не забуди, Мати Всепетая, и нам от грехов избавиться помози, Всемощная, да и мы обрадованы Богу Искупителю грешные, в сокрушении кающиеся сердцем воззовем: Аллилуиа.

Икос 11

Скорбь великая на Голгофе, Сын Божий оставил скорбный мир сей и духом Своим снизшел в преисподняя извести души человеческие, узами мрака окованные. На кресте Господнем тело страдальца всем восвестися, и се Ты, о Мати Милосердия, со Иосифом и Никодимом и женами мироносицами снемши со креста Божественного мертвеца и на руку Твоею Его полагаху, и слезами пречистые раны Его омывала. О, Дево Богородице, мольбами Твоими и нам ныне страждущие души со крестов скорбен также снемши, слезами заступления их омываеши, и безмерную любовь Твою восхищенным оком зрим и за ню Тебе дивную хвалу воздаем сице: Радуйся, от смерти духовныя спасающая; Радуйся, омофором милосердия обнимающая. Радуйся, токмо милости человеком посы-

лающая; Радуйся, немощи наша щитом веры покрывающая. Радуйся, Мати Милосердия, страждущих от скорбей избавляющая.

Кондак 12

Тяжкий крест жития Твоего безропотно несла о, Мати Милосердия, егда Сына Твоего фарисей словом угнетаху, книжницы людския нань клеветаху, людие в невежестве сущии, Владыкой мира сего суетна Его провозглашаху, злобнии старцы со князи на кресте Его распинаху; Вся сия премудро терпеша еси, о Пречистая, научающая сим наши души все смиренномудренно претерпевати ради правды Божия, дабы нам в вечной жизни воспевати купно с небожителю, Христу Победителю преславную песнь: Аллилуиа.

Икос 12

Дивно Ты, о Мати Милосердия, Сына Твоего со скорбию в сердце плащаницею чистою обвила еси и во гроб новый с рыданием Пречистое Тело Его полагала еси: “Како погребу Тя, солнце мое”... горестно восклицала Ему, — или какую плащаницею обвию Тя: Радости скорбных очей моих дивно есть, о Преподобная, как Ты, в узах бессмертных страданий сущая, созерцала еси, егда печатию тайну вечнаго нетления скрепляху, егда стражу человеческую ко всему существу Божию приставляху, Ты, о Мати Милосердия, терпяше. Мы же земнороднии со умилением и мощным славословием величаем Тя, Благословенная: Радуйся, от пречистых кровей Твоих Христа воплотившая; Радуйся, начало спасения в Иерусалиме положившая. Радуйся, дивно образ благочестия миру явившая; Радуйся, человечество материнству Твоему дивно усыновившая. Радуйся, Мати Милосердия, страждущих от скорбей избавляющая.

Кондак 13

О, Мати Милосердия, для утешения страждущих великаго Искупителя преславно рождающая, от нас недостойных сии мольбы с любовью приими, десницею милости Твоея к страждущим сердцам милостиво простри, слезы плачущих отри, всем ищущим материнския помощи Твоея, даруй благие щедроты любвеобильнаго сердца Твоего: да во святых дивных добродетелех Твоих восхвалим Отца Вседержителя, Сына Божия Искупителя, и Духа Святаго Утешителя, гласы преподобными: Аллилуиа. Аллилуиа. Аллилуиа.

(Этот кондак читается трижды, затем икос 1 и кондак 1)